

罪
惟
錄

卷一

序

一

二

三

四

五

六

罪惟錄帝紀卷之二

惠宗帝紀

惠宗讓皇帝名允炆懿文皇太子子太子妃常氏生二子
雄英相繼薨而呂氏以次妃生帝頭顱頗偏太祖拊之曰
半邊月兒幼聰明慈愷性至孝好讀書侍晏命題援筆奏
太祖顧懿文父子仁柔獨詣奉先殿卜不吉愠且喜私曰
不患無所托愁多一番事洪武二十五年四月皇太子薨
帝年十有六笑哀毀幾不欲生太祖慰之曰毀
也請終三年喪禮臣拘天子以月代年例不許
例格於外而已終三年之間語不揚聲笑不露齒斷葷茹

不御內。友愛諸弟。與同寢食。太祖聞之喜。是年九月立為皇太孫。明年冊馬氏為太孫妃。重定諸王見東宮禮。時中外萬幾。例送東宮裁決。太孫輒濟以寬大。請改減律例七十三條。太祖曰。吾當亂世用重典。汝際澄平。宜輕之。後遵此行。太祖晚激怒。誅戮不測。太孫往往陳說古事。亦頗為霽容。偶戮囚得弑父者。釋之。太祖不悅。親訊之。則庸醫誤投劑。子坐不知醫也。復平反一盜首。係主人之子。出視。庄。庄佃皆盜。誘以他事。並出。不果盜。太祖問何以知之。對曰。周禮色聰為先。尚書惟貌有稽。臣見其視端。故測之耳。太祖曰。吁。決獄者不可以不讀書。太祖不豫。太孫侍疾。事必

躬親。雖褻至唾壺溺器不敢借。夜分達旦。咳無不應。應無不起。率以婉容愉色承之。以是太祖病中譴責頗多。卒以太孫故多所全宥。及崩。太孫披髮哭踊。哀動左右。勅有司喪儀悉遵周禮。於是倣金縢遺制。前朝後殿左右角門及西宮內寢。凡設座如生存。久不御者。爇香湯沐之。凡十一所。陳祖訓於東直殿。設重器於西直殿。京官四品以上朝服執鉞立於諸陛之上。自是六日晝不進勺水。夜不就枕。簞太孫體。故豐腴。至是骨立矣。

夏閏五月之十有七日。卒。外皇太孫即皇帝位。是日葬高皇帝於孝陵。援遺詔。諸王母會葬。還御殿。大赦。以明年為

建文元年。詔行三年喪禮。有司執例以請。一再不許。卒復諭曰。朕非敢效古人諒陰不言也。郊社宗廟。朕將執紼而從事。朝貢訟獄。固敢弗親。但朝則麻冕。衣退則齊衰杖屨。食則饘粥。即何不可。不然。食稻衣錦。爾等果以為安乎。廷臣敬諾。定儀注以進。六月。上皇祖考。大行皇帝尊諡廟號。太祖。皇祖妣。孝慈昭憲至仁文德承天順聖高皇后。追尊懿文皇太子。為興宗。孝康皇帝。懿敬皇太子妃。常氏。為孝康皇后。尊母呂氏。為皇太后。冊馬氏。為皇后。子文奎。為皇太子。封弟兄。燾。為吳王。允。燾。衡王。允。燾。徐王。江都郡主。為公主。儀賓。耿濬。為駙馬都尉。立孝陵衛。詔舉賢才。定保薦。

連坐法革冗員初省州縣大賚以中書舍人蹇義為吏部
右侍郎戶部主事夏原吉為本部右侍郎命兵部尚書齊
泰太常寺卿黃子澄燕翰林學士叅預國事燕王棣先諸
王入臨援遺詔勒歸諸王滋不悅

秋七月詔漢中府學教授方孝孺為翰林博士尋陞侍講
直文淵閣奉太祖初命也以王紳為國子博士紳以書責
吏部侍郎蹇義浮沉不事事以朝天女戶張鳳等

係西宮
殉葬宮

人之十二人為錦衣衛世千百戶有差時有告周王橐與
燕相代岷四府通謀帝召子澄泰密議泰欲先燕子澄曰
燕強先周去燕同母暱乃命曹國公景隆即訊責貸甚王

楠不能應遂坐王反執之及其世子削楠為庶人陞平江
知縣王彥回知徽州府召韓宜可為副都御史八月百夷
叛總兵徐凱討平之賜太學生高等衣鈐歸省以王叔英
為翰林學士雲南左右布政使張統陳迪為吏禮二部尚
書徵處士楊士奇充編纂授齊府審理副時燕王選練士
馬用勾索逃軍為名潛招致異人術士隨以僧道衍知識
數屬為軍師密語今朝廷人心所往即奈何道衍曰天之
所造人無能為也增國子監司業以學錄張智為之九月
雲南總兵西平侯沐春卒以弟晟代之增置陝西洮州茶
馬司

冬十月、四川岳池教諭程濟通術數、密奏燕兵起、不過明年、詔坐妄言罪、濟曰、幸囚臣侍之下、濟獄上躬祭孝陵、魏曹二國公分攝兩陵、十一月、詔舉山林才德之士、前御史解縉奉諭歸學、期十年擢用、至是先期赴、以非詔旨、謫河州衛吏、帝以積勞視朝稍宴、御史尹昌隆切諫、帝為引過、時燕齊二王屢有變告、黃子澄以燕謀彰露、討之不可不亟、帝以齊泰計、出工部侍郎張曷為北平左布政使、謝貴張信都指揮使、託防邊患、調燕府護衛、戍開平、且詞燕動定、時有道士歌於途、莫逐燕、莫逐燕、逐燕日高飛、高飛上帝畿已而忽不見、代王桂貪虐、將為不靖、方孝孺請全詣

四川就教於蜀王陞叅政王鉞為戶部尚書起鄭賜為工部尚書魏國公輝祖女弟為燕王妃而心在帝室加太子太傅與李景隆同掌五府軍事圖燕出燕長史康汝楫為安岳知縣十二月改天地壇為南郊祠釋黥軍及徒人還鄉起劉有年徒中知太平府副都御史韓宜可請待諸藩當從寬大密防範勿遽誅討賜明年天下田租之半以壽州訓導劉亨言全方孝孺等大改官制陞六部尚書正一品增侍中一員位尚書下侍郎上翰林院增文學博士餘載志中

建文元年己卯春正月癸酉朔謁奉先殿朝皇太后親詣

孝陵上香還御殿受朝不作樂戊寅誓戒百官齋宿文華
殿庚辰郊奉高皇帝配行脫鷩禮孝孺進郊祀頌敕脩高
皇帝實錄以禮部尚書董倫翰林學士王景彰為總裁官
太常少卿廖昇翰林侍講高遜志翰林侍詔方孝孺副之
國子博士王紳等六人為纂脩官漢中府學教授吳子昭
知縣葉惠仲齊府審理
副楊士奇訓導羅愜馬龍他郎二月詔京省開科鄉試燕
甸長官司吏目程本立預修遣長史葛誠奏事京師觀變召問之以實對遂受密命還
燕申令親王不得節制文武吏士詔養老力田興學考察
官吏旌孝賑貧掩骸埋骨減田租民鬻子者官贖還之以
周府紀善周是修為衡府紀善留史局三月幸太學祀先

師罷北平右布政使曾昱副史張璉謫典史陞暴清叅議
北平訶燕事燕王宴清等及三司官使袁珙子忠徹侍酒
觀在宴氣色云清等皆不令終燕志益廣旋召清還燕王
來朝抗不如禮有詔不問戶部侍郎卓敬密奏請徙燕封
於南昌以絕禍本不報燕王還國北平食事湯宗上變告
逮按察使陳瑛安置廣西召謫戎樓璉為翰林侍書詔布
按二司官考察屬吏擢神策衛周濟為左僉都御史博士
黃彥清出見小兒讓棗又道拾遺紗者留識而去以聞謂
上德化所致帝曰昨宮人譚朕自引薄德譚止朕不能治
宮中卿言何敢當帝用泰子澄計命都督宋忠調沿邊各

衛馬步官軍三萬屯開平。燕護衛精壯悉聽調選。隸忠麾
下。胡騎指揮關童等向在燕府者悉召入京師。以都督徐
凱練兵於臨清。都督耿懃練兵山海。而張昺譏貴伺肘腋。
約期發。都御史暴昭等二十四人奉命充採訪使。巡行天
下。問民疾苦。賞廉平。黜貪墨。得便宜行事。昭採燕事密聞。
請曲防之。京師地震。詔求直言。御史大夫尹昌隆抗言。奸
臣專政。陰盛陽微。致召天變。今宜罷兵息戰。召燕入朝。彼
欲申大義於天下。不應便爾違戾。設有蹉跌。不失守藩。設
沉吟不斷。禍至無日。雖求為丹徒布衣。豈可得哉。黜知福。
寧縣帝父曰。求直言而以直棄之乎。復其官。

夏四月，相王有異謀，潛兵討之。王自殺。齊府人曾名溪者，上變告廢齊王，搏為庶人，與周王同禁西內。幽代王、桂岷王梗於其國，並廢為庶人。五月，燕使其世子郡王高煦、高燧至京師，祭太祖小祥，示不疑。齊泰請收之。徐輝祖亦曰：高煦勇悍，他日寧惟叛君行叛父，留之便。黃子澄不可。輝祖弟增壽力保無他，上遣之。燕王見其子高煦，乃大喜，以戴德彝為左拾遺，宋徵為宗人府經歷，王叔英為翰林院修撰。六月，謀燕急，燕王詭稱病，長史葛誠伴讀。余逢辰密告布政使曷及都指揮貴，王無病勿誤。燕山衛百戶倪諒上變告，收官旗于諒，周鐸誅之。下詔讓燕，遣中貴逮燕府。

官屬密勅都指揮張信手致燕王信故輸款於燕貴知之
方集兵圖王柵端禮門不得出入曷乃約護衛指揮盧振
為內應飛策奏聞而為所親吏李友直竊以聞燕燕益迫
秋七月四日壬申燕兵起與僧道衍定謀呼護衛指揮張
玉朱能等伏兵殿西廡偽縛所逮有名官屬示中貴令召
曷貴即燕府授之曷貴不疑遽入伏起遇害玉等乘夜挺
八百人攻九門克其八惟西直門後下伴讀余逢辰文學
杜奇嘗諫不聽護衛指揮盧振不肯從龍及長史葛誠咸
被執不屈死按察使副使墨麟指揮同知李濟陳恭咸稽
首稱萬歲指揮彭貳粹呼兵得千人將入攻而遇府中健

卒出戰不勝死。都指揮馬宣老戰敗績走薊州。北平都指揮俞瑱奔居庸關。時都督宋忠以開平師次居庸。遇瑱令瑱守關而身退保懷來。燕乃自署官屬以丘福朱能張玉等為都指揮。食事擢布政司吏友直為右叅議。戍卒金忠為紀善。以下筮從軍中。誓師托言周公輔成王故事。但稱元年削建文二字。上書請誅齊泰黃子澄名。清君側。遂攻薊州。馬宣敗績。與鎮撫魯濟俱被執死。薊州陷。通州指揮房勝遵化指揮蔣玉密雲指揮鄭亨各叛。以城降燕。居庸關不守。瑱走懷來。懷來陷。忠與瑱俱被執死。時都督同知陳賁來援。戰敗退保大同。後亦被執不屈死。而都指揮孫

秦彭聚死。尤烈。燕師攻永平。指揮趙彝郭亮叛。以城降大
寧。總兵劉貞都督陳亨。指揮卜萬朱鑑等。引兵十萬。出松
亭。攻遵化。亨墮燕間。執萬下獄。以聞。時江北蝗。有司請督
捕。帝曰。朕以不德致蝗。又殺蝗。以重朕過。其直陳闕失。赦
疑獄。捐逋租。周窮乏。以備實政。是歲蝗不為灾。有秋。八月。
以長興侯耿炳文為征虜大將軍。駙馬都尉李堅都督寧
忠。為左右副將軍。同安陸侯吳傑。江陰侯吳高。都督都指
揮盛庸。藩忠。楊松。顧成。徐凱。陳暉。平安。等帥師三十萬。分
道北征。釋程濟以編修叅軍事。帝日坐便殿。召學士軍討
論。周官法度。勤凡廟算。俱付泰子澄主之。祭告天地。誠北